

40 Sinar Harian • Isnin 2 November 2015

KUALA LANGAT / SEPANG

NU

Mahu informasi jadual operasi pasar

BANTING - Majlis Daerah Kuala Langat (MDKL) menerima permohonan pelbagai pihak termasuk Pejabat Tekun Nasional Kuala Langat yang mahukan jadual operasi pasar malam, pasar pagi dan pasar awam.

Yang Dipertua MDKL, Mohd Azhar Mohamed Ali berkata, permohonan itu memang dalam perancangan pihaknya.

Menurutnya, pihaknya sudah merancang untuk meletakkan informasi berkenaan di dalam papan tanda kelolaan MDKL yang masih kosong.

"Permohonan itu dilihat memberi manfaat kepada semua peniaga

dan secara tidak langsung membantu meningkatkan pendapatan peniaga.

"Papan tanda yang bakal tertera jadual operasi pelbagai pasar itu turut menjadi satu usaha tarikan pengunjung ke pasar - pasar di sekitar Kuala Langat," katanya mengulas mengenai cadangan pihak Tekun Nasional memohon sebuah papan tanda operasi jadual pasar diwujudkan.

Mohd Azhar berkata, sehingga kini pihaknya telah meletakkan semua maklumat termasuk nombor telefon setiap agensi di papan tanda di beberapa lokasi termasuk Sungai

Kak Raja bantu usahawan kecil

Banting: orang Bumiputra seburu maklum permasang metlik pintaan Tetu



Laporan Sinar Harian, 28 Oktober lalu.

Manggis dan Pekan Banting.

Katanya, maklumat itu juga membantu pihak MDKL terus menyediakan perkhidmatan terbaik seperti tapak bermiaga, pengurusan sampah.

Sebelum ini, *Sinar Harian* melaporkan permohonan Pengurus Tekun Nasional Cawangan Kuala Langat, Raja Zabedah Raja Uda yang mahukan maklumat jadual pasar-pasar di Kuala Langat diwujudkan.

Katanya, melalui cara ini sahaja lah pihak berkuasa tempatan (PBT) dapat membantu orang ramai memberi sokongan terhadap usahawan-usahawan Bumiputera yang bermiaga secara kecil-kecilan di pasar-pasar ini.

Beliau berkata, ia sangat membantu dan memudahkan masyarakat untuk mengetahui di mana pasar malam pada hari berkenaan.

Gerak-geri polis diperhati

Anggota PDRM perlu sentiasa jaga tingkah laku, elak aktiviti mereka jadi viral di media sosial

BANTING - Kakitangan Polis Di Raja Malaysia (PDRM) perlu mengelakkkan aktiviti mereka dirakam dan di viral dalam media sosial berikutan kepesatan teknologi canggih yang ada.

Ketua Polis Selangor, Datuk Abdul Samah Mat berkata, beliau memaklumkan pergerakan polis sebenarnya diperhatikan setiap masa dalam mencari salah.

"Hari ini apa saja tindakan polis dirakam... kalau nampak tak betul sahaja ia akan diviral dalam sosial media. Jadi saya tak naklah dengar aksi anggota kita menahan dan menyaman pesalah trafik dirakam dan diviralkan dengan kenyataan yang salah.

"Sebenarnya anggota kita tak buat apa pun hanya keluarkan saman. Tapi, disebabkan masyarakat nampak anggota borak-borak tu yang jadi cerita lain," katanya ketika berucap selepas Majlis Penyampaian Anugerah Perkhidmatan Cemerlang Ibu Pejabat Polis Daerah (IPD) Kuala Langat dan



Sebahagian warga IPD Kuala Langat yang menerima Anugerah Perkhidmatan Cemerlang bergambar bersama Abdul Samah.

Ibu Pejabat Polis Daerah Sepang di Dewan Serbaguna IPD Kuala Langat, semalam.

Menurutnya, beliau mahu semua anggotanya bertanggungjawab dalam segala aktiviti yang digalas.

"Perkara ini janganlah berlaku, jaga integriti setiap daripada kita supaya tanggungjawab dan tugas-tugas kepolisan dihormati. Saya yakin anggota kita mampu menjadi mata dan

telinga yang berperanan mengelakkan kes-kes jenayah berlaku," katanya.

Dalam perkembangan lain, seorang penerima anugerah dari IPD Sepang, Abd Rahman Haris, 52, berkata, beliau gembira apabila menerima anugerah buat kali kedua.

Katanya, dia mengakui tugas polis sangat berat dan bersetuju dengan arahan Ketua Polis Selangor mengenai larangan anggotanya su-

paya tidak terdedah dengan aksi-aksi viral yang boleh memberi tanggapan negatif.

"Bagi saya jalankan tanggungjawab dengan baik dan jangan cuba menerima rasuah daripada orang awam, sudah baik," katanya.

Dalam majlis berkenaan seramai 93 penerima APC yang terdiri daripada pegawai, anggota dan kakitangan awam yang menerima anugerah.

Anjur Seminar Desa Selamat

BANTING - Pejabat Perpaduan Negara dan Integrasi Nasional dengan kerjasama Yayasan Pencegahan Jenayah Malaysia dan Ibu Pejabat Polis Daerah (IPD) Kuala Langat menganjurkan Seminar Desa Selamat Kawasan Rukun Tetangga Daerah Kuala Langat, di sini semalam.

Wakil Pegawai Perpaduan Daerah Kuala Langat, Fakhruurrazi Asahari berkata, pihak jabatan menjemput kehadiran semua KRT di Kuala Langat dengan menghantar empat wakil setiap KRT bagi program berkenaan.

Sertai Morib Fun Run 2015 Terbuka Selangor

MORIB - Orang ramai dipelawa menyertai Morib Fun Run 2015 Terbuka Selangor pada 27 Disember ini bermula jam 7 pagi.

Program yang bertempat di Dataran Pantai Morib, Selangor itu menyediakan 1,300 baju-T berserta medal bagi 1,300 penamat larian lelaki dan wanita.

Borang penyertaan boleh dimuat turun di <http://www.mdkl.gov.my/> dan tarikh tutup pada 4 Disember.

Gotong-royong kacau bubur asyura

BANDAR SAUJANA PUTRA -

Orang ramai dijemput menghadiri Majlis Gotong-Royong Asyura Bandar Saujana Putra yang diadakan, 7 November ini.

Program anjuran Anak-Anak Pantai Timur Bandar Saujana Putra itu akan berlangsung di Jalan SP 8/1 (tapak pasar malam) sebagai usaha menarik minat penduduk.

Adun Telok Datok, Loh Chee Heng berharap penduduk sekitar dapat memanfaatkan aktiviti mereka sekali gus merapatkan hubungan keluargaan di dalam komuniti.